

鶯

踏折梅花一二枝  
一枝花露濕金衣  
拚將粉蝶直飛去  
卻在綠楊深處啼

水村吟霧

淡處還濃綠處青  
江風吹作雨毛醒  
起從水面縈層嶂  
恍似簾中見畫屏

梅花醉夢

紙帳梅花醉夢間  
了無它想鼻雷鼾  
鴛愁鳳恨不入枕  
睡覺身疑在廣寒

冬夕酌月

道藏輯要

白真人集

三

婁集三

半規新月滑如酥  
流入清樽一吸無  
明日定知廣寒殿  
嫦娥失御水晶梳

題棲鳳亭三首

亭前綠密玉成叢  
鳳宿枝頭烟雨空  
簫管一聲人未寢  
滿林明月浸清風

二

竹也多年管風月  
鳳兮幾夜宿雲烟  
林間有客吹簫去  
竹化龍鳳入天

三

潘氏亭前飲一宵  
酒醒對竹嘯瓊簫  
不知棲鳳來多少  
鳳去人

歸竹寂寥

觀物二首

蜂占薔薇封食邑  
蟻侵螺贏借軍需  
雨天風急鳩呼婦  
水國烟寒雁喚奴

二

曉鷺守溪圖  
口腹暮蛛借屋計  
家生不羈野馬空  
中騁無喘蝸牛  
壁上耕

行春辭九首

一斗百篇誠有之  
無人知我只春知  
吟逢蝴蝶卽莊子  
醉見海棠真貴妃

道藏輯要

白真人集

卷之三

二

春來春去不知時  
只有詩人冷眼窺  
夜雨揩磨好山色  
曉風擡舉舊花枝

三

圍園是日是花開  
我又何朝不醉來  
井有人焉蛙兩部  
日之夕矣蝶三臺

四

借彼笙簫鼓笛中  
詩人隨分得春風  
提壺處處著監酒  
布穀朝朝講勸農

五